

Transkription von Stadtbucheintrag SDL 1338a

Ort, Datierung: Stendal, 1338-06-06

Signatur: Stadtarchiv Hansestadt Stendal, U1, 69b, Altes Stadtbuch: Bl. 9v

Inhalt: Rat der Stadt Stendal: Freundschaftliche Übereinkunft mit Yian van Bock

We ratdman ¹ van Stend(al) Bekennen in desme opne Breue . dat / we den edelen manne Hern yian van Bock . eyn here des / landes to yerghow . vnde to garsdow . ver laten hebben alles / vnmüdes de was tuschen en vnde vns . vnde willen en to allen / stunden vnde in allen steden eren vnde werden wor we mo/ghen . vnde sin ghesinde vorderen . dorch willen vnde dorch / vruncap de he vns bewiset , vnde scheghe . dat sin ghesinde / vsen Borghe(re)n Scaden dede vnde dat se doch nicht begrepen / worden metter handachtichen dat . dat wille we em kun/deghen . eder sime voghede vnde bidden dat dat wedder / dan werde binnen ver weken . schege des nicht . so wille / we vsme stad rechte volghen . we willen em och alle iar / to ghunste vnde to vruncap gheuen vif mark . to sunte / walburghe daghe . vnde vif mark to sunte mertens daghe / dewile dat he vns vordeghedinge vnde vorder vnde vnse / Borghere also sine breue spreken . vort mer wille we ene / vnde sin ghesinde eren vnde werden vnde vordern wor we / moghen . also hir vor bescreuen steýt . Des hebbe we vnse / inghesegel to eýner wýsheit . an dessen brief ghehangen . / dat is ghescin . na godes Bort . drittenhund(er)t iar in deme / achtendritteghesten iare . jn deme auende der Heylighen / driuoldichgheýt

¹ **d** nachträglich über dem Wort eingefügt